

Na osnovu člana 90. Zakona o javnim nabavama BiH („Službeni glasnik BiH“, br. 39/14, 90/14, 96/14, 97/14, 103/14 i 104/14) i člana 7. stav (1) tačka b) Pravilnika o postupku direktnog sporazuma BiH („Službeni glasnik BiH“, br. 90/14)

1. **"IMTEC" d.o.o. SARAJEVO**, Bosanski put bb, 71380 Vogošća identifikacioni broj: 4200918780053, zastupan po direktoru Jakubu Čehiću s jedne strane (u daljnjem tekstu: dobavljač) i
2. **JU OSNOVNA ŠKOLA „HADŽIĆI“ HADŽIĆI** Hadželi bb, 71240 Hadžići, identifikacioni broj: 4202256020005 zastupana po direktorici Đenani Alispahić s druge strane (u daljnjem tekstu: Ugovorni organ),

zaključili su dana 09.05.2018. godine

U G O V O R

O NABAVCI PROJEKTORA SA POPRATNIM PROIZVODIMA

Član 1.

Predmet ovog Ugovora je nabavka i isporuka projektora - 3LCD, Full HD 1920 x 1080, 3100 lumena - 1 komad (u daljem tekstu: projektor); HDMI kabla 10m - 1 komad i nosača za projektor - 3 komada (u daljem tekstu: popratni proizvodi) na osnovu prihvaćene Ponude/Predračuna „Imtec“ d.o.o. Sarajevo broj: 00502/18-2 od 09.05.2018. godine koja je sastavni dio ovog Ugovora i Odluke o direktnom sporazumu broj: 377/2018 od 09.05.2018. godine.

Član 2.

Vrijednost ove nabavke iznosi **1.384,96 KM (slovima: jednahiljadatristotinesamdesetčetiri i 96/100 konvertibilne marake)** sa PDV-om, odnosno **1.183,73 KM (slovima: jednahiljadajednastotina osamdesettri i 73/100 konvertibilne marke)** bez PDV-a.

Dobavljač se obavezuje da će projektor i popratne proizvode isporučiti ugovornom organu u roku od 30 (trideset) dana od dana potpisivanja ovog ugovora.

Ugovorni organ je dužan isplatiti cijenu u iznosu navedenom u stavu (1) ovog člana u roku od 15 (petnaest) dana od dana prijema ispravno ispostavljenje fakture.

Dobavljač je dužan isporučiti projektor i popratne proizvode u ispravnom stanju na adresu: JU Osnovna škola „Hadžići“, Hadželi bb, 71240 Hadžići i garantovati za njenu funkcionalnost 24 mjeseca od dana isporuke.

Troškove isporuke kao i one troškove koji prethode isporuci snosi dobavljač.

Član 3.

Do isporuke projektora i popratnih proizvoda rizik slučajne propasti ili oštećenja istih snosi dobavljač.

Isporukom projektora i popratnih proizvoda rizik prelazi na ugovorni organ.

Rizik ne prelazi na ugovorni organ ako je on zbog nedostatka isporučenog projektora i popratnih proizvoda raskinuo ugovor ili tražio njihovu zamjenu.

Ako isporuka projektora i popratnih proizvoda nije izvršena zbog zakašnjenja dobavljača, rizik prelazi na dobavljača u trenutku kada je pao u zakašnjenje.

Član 4.

Dobavljač odgovara za materijalne nedostatke projektoru i popratnih proizvoda u periodu od 24 mjeseca od dana njihove isporuke.

Materijalni nedostaci na projektoru i popratnim proizvodima postoje:

- ako nemaju potrebna svojstva za njihovu redovnu upotrebu,
- ako nemaju svojstva i odlike koje su izričito ili prešutno ugovorene, odnosno propisane,
- ako je dobavljač isporučio projektor i popratne proizvode koji nisu odgovorajući uzorku ili modelu, osim ako je uzorak ili model pokazan samo radi obavještenja.

Član 5.

Ugovorne strane su saglasne i prihvaćaju da za sve ono što nije u ovom ugovoru predviđeno, važe propisi iz Zakona o obligacionim odnosima.

Član 6.

Ugovorne strane se obavezuju eventualne sporove riješiti mirnim putem, ukoliko to nije moguće ugovaraju nadležnost suda u Sarajevu.

Član 7.

Ovaj ugovor je sačinjen u 2 (dva) istovjetna primjerka od kojih svaka strana zadržava po 1 (jedan) primjerak.

Član 8.

Ugovorne strane primaju prava i obveze iz ovog Ugovora, te ga u znak toga potpisuju.

DOBAVLJAČ

/Jakub Čehić /

Broj: _____

Datum: _____

UGOVORNI ORGAN

/Denana Alispahić, prof./

Broj: 377-1/2018

Datum: 09.05.2018. godine